



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



ԹԵՄԻՍ ԵԿԵՂԵՑԻՆԵՐՈՒ ՏԻԿԱԿԱՆՑ ՄԻՈՒԹԵԱՆՑ ՀԱՄԱՔԻՆ՝

ԱԶԳԱՅԻՆ ԱՌԱՋՆՈՐԴԱՐԱՆԸ
ԱԶԳԻՆ ՈՒ ՁԵՐ ՏՈՒՆՆ Է

ԸՍԱՎ ԱՌԱՋՆՈՐԴ ՄՐԲԱԶԱՆԸ

Ազգային Առաջնորդարանիս Տիկանաց Յանձնախումբը գեղեցիկ գաղափարը յղացած էր թեմիս եկեղեցիներու Տիկանաց Միութիւնները իրենց Հոգեւոր Հովիւներով Հինգշաբթի, 19 Յուլիս 2007ին, Ազգային Առաջնորդարանի նորակառոյց համալիրը հրաւիրել, մօտէն ծանօթանալու զանազան գրասենեակներուն եւ բաժանմունքներուն եւ ունենալու մտերմիկ ու հաճելի ժամանց:

Տիկանաց Միութեանց անդամուհիներ առիթը ունեցան Ս. Տրդատ եւ Ս. Աշիսէն մատուռ այցելելու, մոմ վառելու ու աղօթք բարձրացնելու. ապա հաւաքաբար «Հայր Մեր»ը երգելէ ետք, այցելեցին Ազգ. Առաջնորդարանի երկյարկանի շէնքին զանազան գրասենեակներն ու բաժանմունքները:

Ապա «Տիգրան եւ Չարուհի Տէր Ղազարեան» սրահին մէջ Տիկանաց Միութիւններու անդամուհիները կէսօրուան ճաշի հիւրերը եղան Թեմիս Բարեջան Առաջնորդ Բարձր. Մուշեղ Արք. Մարտիրոսեանի: Առաջնորդ Սրբազանին հրաւերով, հաւաքին ներկայ եղաւ թեմս հիւրաբար այցելող՝ Զուէյթի եւ Արաբական Ծոցի Երկիրներու կաթողիկոսական փոխանորդ՝ Բարձր. Տ. Կորիւն Արք. Պապեան:

Առաջնորդարանի Տիկանաց Յանձնախումբի ատենապետուհի Տիկ. Մարիամ Կարապետեան ներկաներուն բարի գալուստ մաղթելէ ետք հրաւիրեց Առաջնորդ Սրբազանը օրհնելու սեղանները:

Ճաշի ընթացքին սրտի խօսք արտասանեց Գերշ. Կորիւն Սրբազանը. ան դրուատեց հայոց պատմութեան զանազան դարաշրջաններուն հայ կնոջ ստանձնած իւրայատուկ դերը որպէս պահապան քրիստոնեական հաւատքին, հայկական անկախութեանց եւ ազգային ժառանգութեանց: Սրբազան Հայրը գնահատեց Արեւմտեան թեմի Տիկանաց Միութիւններու տարած եկեղեցանուէր աշխատանքները, նշելով, որ անոնք թեմակալ Առաջնորդ Սրբազան Հօր եւ եկեղեցիներու շուրջ բոլորուած՝ կը ծաւալեն ժրաջան եւ եկեղեցանուէր գործունեութիւն: Կորիւն Սրբազան շնորհաւորեց Առաջնորդ Սրբազանը, ազգային հպարտութիւն առթող նման համալիրի մը կառուցման եւ վերանորոգութեան աշխատանքներու յաջող աւարտին առիթով, բոլորին մաղթելով ամենայն բարիք ու արդիւնաւոր ծառայութիւն:

Ապա կարգաւ եկեղեցիներու Տիկնաց Միութեանց ատենապետուհիներ ներկայացուցին իրենց վարչական կազմերը եւ հակիրճ տեղեկութիւններ փոխանցեցին իրենց տարած աշխատանքներուն ու ապագայի ծրագիրներուն մասին:

Մտերմիկ ու հաճելի մթնոլորտի մէջ երգուեցան երգեր եւ ներկաներ առիթը ունեցան մօտէն զիրար ճանչնալու եւ զրուցելու:

Փակման իր խօսքին մէջ Առաջնորդ Սրբազանը գնահատեց Ազգ. Առաջնորդարանի Տիկնաց Յանձնախումբին նախաձեռնած հաւաքը՝ ծխական եկեղեցիներու Տիկնաց Միութիւնները Ազգ. Առաջնորդարան հրաւիրելու գեղեցիկ գաղափարը, որպէսզի անոնք առիթը ունենան ազգին ու հայ ժողովուրդին սեփական տունը եղող Ազգ. Առաջնորդարան այցելելու ու անոր զանազան բաժանմունքներուն մօտէն ծանօթանալու, միասնաբար աղօթելու, հաւատքով գործելու եւ աշխատելու, որպէսզի Հայց. Առաքելական եկեղեցին միշտ պայծառ, կանգուն եւ շէն մնայ: «Սիրելիներ, դուք ազգին տան մէջ կը գտնուիք», ըսաւ Առաջնորդ Սրբազանը, «Ազգ. Առաջնորդարանը հարազատ ձեր տունն է, եւ բոլորս ալ նուիրեալ ծառաներն ենք հայ եկեղեցւոյ ու մեր սիրելի ժողովուրդին, եկեք միասնաբար հոգեպիւնդ լծուիք եկեղեցանուէր մեր առաքելութեան եւ գործակցական ոգիով աշխուժ ու պայծառ պահենք մեր բոլոր եկեղեցիներն ու ազգային կառոյցները եւ նպաստենք մեր ազգի կրօնական եւ հոգեւոր զարթօնքին վասն շինութեան ազգիս եւ բարեկարգութեան Հայ եկեղեցւոյ»:

Յիշատակի հաւաքական լուսանկարէ ետք, հիւր տիկիւնները հաւաքական գործակցական կեանքի քաղցր յիշատակներով վերադարձան ծխական իրենց եկեղեցիները, առաւել աշխուժ եկեղեցանուէր գործունեութիւն ծաւալելու կամքով:

AT THE GATHERING OF THE PRELACY LADIES ASSOCIATIONS

THE PRELACY IS YOUR HOME AND ALSO THAT OF OUR PEOPLE

SAID THE PRELATE

On Thursday, July 19, the Prelacy Ladies Auxiliary Guild had organized a gathering and luncheon for the Ladies Association members of all Prelacy parishes and pastors. The purpose of the gathering was to enjoy an intimate luncheon and become more closely acquainted with each other as well as with the Prelacy. Upon their arrival the Ladies were greeted by H.E. Archbishop Moushegh Mardirossian, Prelate, and clergy members. Prior to the start of the luncheon, the guests gathered at the St. Dertad and St. Ashkhen Chapel for the singing of the Lord's Prayer. Following a tour of the building, the Ladies proceeded to the "Dikran and Zarouhi Der Ghazarian" Hall to commence the luncheon. H.E. Archbishop Gorun Babian, Catholicos Vicar of the Diocese of Kuwait and the Gulf Countries, who was visiting from Kuwait also participated.

Prelacy Ladies Auxiliary Guild Chair Mrs. Mariam Karapetian welcomed the guests, after which she invited the Prelate to offer the invocation. During the luncheon, Archbishop Babian commended the invaluable role that Armenian women have played over the centuries in preserving our faith and heritage. He then congratulated the Prelate for the successful completion of the new headquarters and wished success in all future endeavors. Afterward, the chairladies of each parish introduced their members and briefly reported on their activities.

In his closing remarks, the Prelate commended the Ladies Auxiliary for organizing the luncheon which offered the ladies the opportunity to visit the Prelacy, to pray together, and to work together to benefit the Armenian Apostolic Church. "The Prelacy is your home and we are all servants of our church and people. With that in mind let us continue to join our efforts and work together towards our common goal of preserving and enhancing our church and national identity", concluded the Prelate. The luncheon came to a close following the group picture.